



Februari 2024

O le a e'e ia le Paia fa'ataoto'oto ile mamalu o le au Faitau o lenei lomiga muamua o lenei tausaga 2024. O outou Paia le popo ma outou Sa le solo, o le a le o'o iai se leo ole auauna. Ae aumaia Paia fa'aleagaga e fa'atalofa ma fa'afeiloai atu ai i o outou Paia ma mamalu. Ua taunu'u mai la tatou faigamalaga ile masina lona lua o lenei tausaga fou, 2024. Tatou te fa'afetaia ai le alofa ma le agalelei o lo tatou Atua. O se fa'asoa fa'atauva'a mo tatou e tatou te mafaufau ma manatunatu loloto iai auā la tatou savaliga i lenei tausaga.

Talu ai nei na auina mai ai e se uo ia te au se so'otaga i se lauga na faia i se Kolisi i Amerika. Ua fa'amanatu mai e le failauga o la tatou tali muamua pe a tatou ta'u atu i se tasi e 'ese mai iā i tatou, o le fefe po'o le fa'amasinoga. Na ia ta'ua lenei mea i le evolusione, lea e tatou te ola ai e ala i le masalosalo i mea tatou te lē masani ai.

Ae ui i lea, ua aga'i i luma lenei vaitau ma ua aoaoina i tatou ia tatou agalelei ma agaalofo. E fa'ataunu'uina ia aoaoga ile tatou taumafai lea e te'ena o tatou lagona ma mafaufauga sesē. E taūa lo tatou ola ma tuputupu a'e i le agalelei ma le agaalofo e ta'ita'ia ma fatufatu'ai ai mafaufauga auā le aga'i i luma o tatou olaga. Na ia ta'ua e foliga mai e fete'ena'i lenei mea ma mea o lo'o tutupu i le lalolagi, lea sa fa'aaogā ai faiga sauā ina ia maua ai le pule, ma ua vaivai ai le tigā alofa ma le agalelei. O tagata vaivai foi ua fa'aaogaina e i latou o mauoloa ma malolosi e tulituliloa ma fa'ataunuuina ai o latou mana'oga.

Ua saunoa Pope Falanisisi i le taūa o le agamalū. Aemaise lava i le taimi o le fa'ama'i ole Koviti, na ia lauga ai i tusitusiga ta'uta'ua, "Amuia e agamalū, auā e fai mo latou tofi le lalolagi." (Mat 5:5); "le **agamalu** o Keriso" e pei ona taua ile tusi paia (2 Korinito 10:1); le agamalu o le Leoleo Mamoe Lelei, aemaise lava i le taimi o lona tiga ma lona maliu. (1 Peteru 2:20-25.) O i o lo'o faasino atu ai e Pope Falanisisi le agamalū e suamalie, e amio pulea e aunoa ma le sauā. O ni uiga matagofie ae e masani ona tatou lē fa'atauaina i lenei olaga.

A le'o lenā, tatou te fa'alogoina ma faitioina fa'amatalaga taufa'aleaga, manatu leaga ma upu masoā, o ia mea uma tasi ia ituaiga sauaga. E iai ni o tatou uiga fa'ate'ia i nei mea, ona tatou te tigā ma fa'anoanoa pe a avea i tatou ma tagata o ia sauaga, ae o lo'o fa'aaauu pea ona tatou fa'ao'o atu nei manatu i isi o tatou uso-a-tagata. O le televave ole alualu i luma o feso'otaiga fa'atekinolosi (technology) e pei o le internet ua fa'afaigofie ai ia uiga fa'apea, e matuā faigofie lava ona tusi i luga o uepa tafa'ilagi i se auala sauā, ma ua tatou va'aia le lē matagofie ma le talafeagai ua o'o i ai, aemaise lava i tupulaga talavou ma e vaivai. E sili atu le leaga o le fa'ateleina o taua, o le fa'ata'ita'iga o le sauā, i le tele o atunuu o le lalolagi. E pei ona fai mai Pope Falanisisi ma isi Pope na muamua atu ia te ia, e leai se mea lelei e sau mai le taua. Ua na o le fa'atafunaga, oti, ita, ma fevaevaeaiga.

O le faalauiloaina o le agamalu e foliga mai o se a'oa'oga ua le amanaiaina. O nisi mafua'aga tatou te manatu ai ole agamalū o se tasi lea ituaiga vaivaiga, ae o nisi o tagata e sili ona tatou faamemelo i ai i totonu o aiga, ekalesia ma nu'u o ni tagata agamalū. O ituaiga tagata ia tatou te fa'amatalaina e fa'apea "e leai ni ponaivi leaga i o latou tino". E masani ona talanoa tagata i le "agalelei" o se mea ua fa'agae'etia ai i latou, aemaise lava i taimi o fa'afitauli po o fa'anoanoaga. O i latou e fa'aalia uiga agalelei, e tele ni suiga i o latou olaga.

I lenei lalolagi faigatā, ua tatou va'aia ai le feitaga'i ma le fevaevae'iga ua fa'ateteleina. E tatau ai ona liliu atu o tatou mafaufau i le Tala Lelei, le manatu ma se talitonuga o Iesu o se Leoleo Mamoe agalelei ma agamalū. Atonu o ia manatu o le a avea lea ma o tatou taitaiga ao tatou faimalaga ai i lenei tausaga 2024.

Fa'afetai  
Telesia Alaimoana

# AFIOGA AKIEPIKOPO PAUL

## Uso ma Tuafafine ia Keriso



Ou te fiafia tele e fa'afeiloa'i atu iā te outou a o tatou amatalia le masina lona lua o le tausaga. Ou te fa'amoemoe o lo'o maua i ni faiga malologa ma sa avanoa ni taimi mo aiga ma uō i le vaitau o faigamalologa. Ua fa'amanuiaina i tatou i le lelei o le tau i le tele o vaega ale tatou Pule'aga.

A o tatou toe fo'i atu i taimi masani o tatou olaga, i le mae'a ai o aso malolō, o se avanoa e toe va'ai ai i mea masani o tatou olaga. I le tele o tatou olaga o mea masani ma e i ai fa'asologa i aso ta'itasi. O se va'ai lelei lenei fa'alaua'itele. Ua mafai ai e tatou ona ola ai ma le mautinoa ma fa'atino ai a tatou faiga masani. O le fesili e mafai ona tatou fesiligia i le amataga o tausaga ta'itasi 'o a'u tu ma āga masani o lelei mo lo'u olaga? E masani ona tatou talanoa i le faia o ni fa'ai'uga o se tasi nei o auala e toe faia ai lenā fesili, ae i se tulaga loloto e mafai ona fa'auiga i le mana'omia mo tatou ta'ito'atasi e toe va'ai ai po o fa'apefea ona tatou ola ma mausa ua tatou maua. O mausa iā i latou lava e mafai o ni lelei fa'apea o ni fesoasaoni. E fa'apea fo'i i o tatou olaga fa'aleagaga.

O mausa lelei i tatalo, faitau ma tomanatuga e fesoasaoni iā i tatou e feso'ota'i ai i le Atua. O le fesili tatou te fesili ai – pe o o'u maua nei mausa lelei? Afai e leai e lē o tuai ona amata ona fa'aolaola nei, e ui ua fai si leva ona tatou savalia le ala!

2

I le vaiaso i luma atu e amata ai le vaitau o le Fagafulu, o se taimi taūa mo tatou ina ia anapogi, tatalo ma le lima foa'i o lona uiga o le fa'aolaola o vaega ia o tatou olaga e mafai ona fa'afaigatā i mea a le Atua. O le alu ai e aunoa ma mea ua tatou masani ai e fesoasaoni iā i tatou i le ulufale atu fa'aletino i lenei Fagafulu, e mafai ona mana'omia tele ma faigatā, ae ua noatia ai i tatou i puapuagā a Iesu mo tatou. O a tatou feso'ota'iga ma le Atua i tatalo ua maua ai e tatou se avanoa e fa'alogi ai i mea o lo'o fai mai ai le Atua iā i tatou, fa'apea le ta'u atu iā te ia mea tatou te manana'o ai. O nei elemene uma o lo'o i ai, e lē mo se manatu o le mafatiaga, ae ona e fesoasaoni iā i latou e fuafua le loto ma mafaufau ina ia patipatia le toetu a Keriso. O tagata ta'alo e tapena mo a latou ta'aloga, e tapena i tatou mo le fa'amanatuina o le Eseta mo le fasefulu aso. Ou te fa'amalosi'au iā outou ina ia mafaufau pe fa'apefea ona outou 'au ai i le Fagafulu ma pe fa'apefea ona faia i lenei tausaga. A o tatou fa'alogologo i le Tusi Pa'ia e tatou te taofiofi i mea tatou te faia, e lelei ona fa'amalosi'au i isi ina ia faia le lelei i lenei taimi o le Fagafulu.

Ou te talosaga atu ai iā te outou e fa'amalosi'au i isi ma lagolagosua le Apili o le Fagafulu ale tatou Caritas i le vaitau o le Fagafulu. Mo a tatou fa'apotopotoga Katoliko Caritas o le auala lea ua tatou fesoasaoni atu ai i le tele o tatou uso ma tuafafine i le Pasefika ma tua atu. O le Apili a le Fagafulu o se auala taūa e maua ai le puna'oa e mana'omia ma tatou te fa'amoemoe i ai ina ia mafai ona faia lenei galuega. Ona o se vaega o le lima foa'i fa'amolemole faia se foa'i e fai ma ā outou foa'i o le Fagafulu. I nai tausaga ua tuana'i sa fa'aitiitia le lima foa'i mo le Caritas ma na fai ai sina mamafa o le mafai ona fa'atupeina polokalame sa taumauga i ai. Va'ai le tafa'ilagi ale Caritas mo nisi o fa'amatalaga i mea o lo'o latou faia.

O le sauniga lona lua a le Sinoti o le a faia i Roma iā Oketopa ma o latou o lo'o tapenaina ua talosaga mai mo ni manatu e uiga i tusitusiga a le Sinoti na maua mai i fa'atalanoaga muamua. O le a maua ni avanoa mo ni tali mai tusitusiga a le Sinoti na sau mai fonotaga muamua. O le a i ai ni avanoa mo kulupu e aumai ai ni manatu, ae e tatau ona faia i le ama-

## AFIGA AKIEPIKOPO PAUL

taga o Aperila, o se taimi pu'upu'u lava. O fa'atonuga e lē umi e pei o faiga i luma atu o le Sinoti. O le Komiti ale Pule'aga o lo'o fa'amaopopoina kulupu e aumai ni sao, afai e te fa'alogo i se kulupu o lo'o fono i la outou nofoaga, fa'aavanoa se taimi e 'au atu ai.

I aso Malolo o le Kilisimasi sa tatou patipatia ai le falelauasiga o Katinale Tom Williams ma Moseniolo Charles Cooper. O nei ali'i e to'alua o ni 'au'auna fa'amaoni ale Pule'aga ma le Ekalesia laua'itele. Sa tele ni mea sa fa'atinoina e Katinale Tom o lenei ua tatou olioli ai nei. Sa i ai fo'i sona sao ta'ua i nisi o komiti a le Vatikano ma mea na tutupu ma na fa'aaloaloga tele e isi atunu'u, aemaise lava taumauga i le fai mea tonu fa'asosaiete. Moseniolo Charles sa avea ma fa'apitoa i sauniga fa'alelotu ma faife'au i le tele o fa'apotopotoga ale Pule'aga. O tusitusiga talu ai nei ale WelCome o lo'o aumai ai fa'aaloaloga manino ia Katinale Viliamu. Ia malolō i la'ua i le filemū.

O la maliu ua fa'amanatu mai iā i tatou le mana'omia mo faife'au ona fa'aauau ona galulue iā tatou fa'apotopotoga ma ia galulue ma outou uma mo le olaola o le fa'atuatua i tagata uma. Ua i ai nei se ali'i talavou i le Seminalio i le tausaga nei fa'atasi ai ma le isi to'atolu o lo'o sauniuni mo le tofiga. Fa'amolemole fa'amalosi'au iā i latou ua tou iloaina e talafeagai ina ia fuafuaina pe o vala'au le Atua iā i latou mo lenei olaga.

O a tatou a'oga ua toe amataina i lenei vaiaso. Tatou tatalo mo a tatou faia'oga, le au faigaluega a a'oga, tamaiti a'oga ma o latou aiga mo se tausaga alualu lelei ma fa'amoemoe e lē ni fa'alavelave. Ua ou manatu atu e 'au ai ma tatou faia'oga i le Misasa Fa'apa'iaina i Nelson ma Ueigitone i le lua vaiaso i luma atu nei. Ou te fia fa'afetai atu iā Mr. Andrew Murray ua uma nei lona tofi o le pule a'oga mo lana ta'ita'iga i le kolisi a Sagata Maria ma Nanah Kelemete i Sagato Pio i Titahi Bay. O Maria Potter o le a fa'amuta lana galuega o le pule a'oga i le fa'ai'uga o le kuata muamua i le Kolisi o le Finagalo Pa'ia i Lower Hutt. Fa'amolemole ia manatua nei fa'apotopotoga iā outou tatalo a o latou aga'i atu i le sailiga o ni pule fou. O le ali'i o Tala Moemai e amata o le pule i le a'oga ale Holy Cross i Miramar ma tatou ofo atu i ai fa'amanuiaga uma a o aga'i atu i lenei tofi fou.

Ua i ai nei ni faife'au ua fesi'itia a'i. Fa'afetai i auala sa outou fa'atinoina ai ni fa'amavaega ma i latou ua tu'ua a outou palisi, o se va'aiga o la outou agalelei iā i latou ma le alofa sa tausia ai i latou. Ou te iloa o le a fa'apea ona outou faia mo faife'au ua tofia iā outou palisi. E lē faigofie ona suia, mo ositaulaga ma tagata, ma ou te fa'amoemoe mo kulupu uma e lua o le amataga lenei mo se taimi e fua lelei i le olaga a outou fa'apotopotoga palisi.

Fa'amalo i le Tama'ita'isā o Julianna O'Sullivan RSM o lē sa fa'amanatuina le 100 tausaga o lona soifua talu ai nei ma Tama'ita'isā o De Pores RSM sa fa'amanatuina le 70 tausaga i le tofi. O nei tama'ita'i e to'alua sa fa'amaoni i olaga fa'alelotu ma sa galulue i le tatou Pule'aga mo le tele o tausaga. Ua la'ua fa'amanatu mai ai iā i tatou le mealofa tele o le olaga fa'alelotu i le Ekalesia ma le molimau ua aumai i le anoanoa'i o tama'ita'i ma ali'i.

O le aso 2 Fepuari e fa'amanatu ai Olaga Fa'apa'iaina ma ia manatua iā tatou tatalo latou i olaga fa'alelotu. Fa'afetai iā te outou uma o a tatou Ituaiga mo la outou 'au'aunaga.

I le fa'ai'uga o le masina nei o le a malaga atu epikopo uma i le itū i matū i luga mo se fa'anoanoa ma tapuaiga mo le tausaga i luma. O se avanoa e va'ai ai pe fa'apefea ona galulue fa'atasi i le va o pule'aga ma i le fa'asoaina o puna'oa. Fa'amolemole manatua matou iā outou tatalo o se taimi lenei e maua ai ni fua lelei.

Fa'amanuiaga mo outou uma.

Ngā mihi nui

+ Paul Martin SM

## Aso Sa Lona Lima ole Tausaga – 4 Fepuari 2024

E ao ona tatou olaina se olaga o se tagata nofo to'atasi i le vao ina ia ave'ese ai la tatou va'ai i tigā ma faigatā o le olaga ua si'osi'omia ai i tatou. O tatou loto o le a avea ma papa ina ia 'aua ne'i o tatou mafatia i se fa'aipoipoiga a se fa'auō ua tau malepe, se alo a se tuā'oi ua fa'aletonu lona mafaufau ma puapuagā ma le loto mafatia o se va'aiga masani mo le to'atele i aso uma o le olaga. O āta mata'utia ua va'aia i TV e uiga i taua, ōge ma fanau laiti ua maliliu ona o le leai o ni mea'ai ua fuafuaina e lu'itauina ai le fa'atuatua a se tagata pa'ia. O le mafua'aga lea ua manatu ai le to'atele o tagata o se fa'asalaga mai le Atua po ole leai lava o se Atua. Ua leai lava se malamala'aga pe aiseā ai i tagata lelei ua talosagaina ina ia puapuagā ma amo ni koluse mamafa fa'apenei. Ua leai se mea ua sili atu ona fa'amata'uina o tatou loto mafanafana i le Atua i le va'aia o puapuagā ma mafatiaga.

O le Tusi a Iopu o se taumafaiga ina ia malamalama i fa'afitauli a tagata puapuagatia i ni auala sauā tele. O Iopu, o se ali'i e ola lelei fa'alelotu ua tofotofoina e le Atua. Ua ave'eseina lana avā, aiga ma ana mea totino uma, ma na i'u ona a'afia i se fa'ama'i. Na a'afia tele o ia na manatu ai ua leai se aogā e toe ola ai ua na o puapuagatia. O ana tomanatunatuga uma lava pe aiseā ua ia puapuagatia ai, pe aiseā i le Atua ua tu'uina mai ai lona 'a'ao ma le mamafa i luga o ia, ae le'i aumaia e Iopu se tali fa'atalitonuina i le uiga o ona puapuagā ma mafatiaga. O le mea moni lava e leai se tali faigofie. O Iopu e lē o se tagata muamua, e lē mulimuli fo'i ona lē mautonu i fa'afitauli o puapuagatia, fa'ama'i ma le oti e mafai ona avea ma taimi taumafai ma le taūa o tatou olaga. E masani tatou te lē amana'iaina le Atua se'ia tatou a'afia i ni fa'aletonu e pei o fa'ama'i ma le mafatia ua fa'afuase'ia ona tulei mai iā i tatou. A tatou si'i atu o tatou tagata i luga atu o fa'anoanoaga ua tatou o atu i le Atua e sa'ili mo lana kalasia fa'amalologa. Ua tulia i tatou ina ia fa'atuatua atoatoa iā te ia, ona e leai se isi auala e feagai atu ai i puapuagatia i lo le iloaina atonu o se vaega lea o fuafuaga fa'amisitelio ale Atua. O fa'ama'i ua fa'amalosia i tatou e tu'u i autafa o gaioga fiafia o le olaga i aso ta'itasi ma fa'a'atū i aiga ua ofoina mai iā i tatou e le Tamā i le lagi. O taimi ia fa'apenei e taūa fa'apitoa, pe a tatou feagai atu ma fa'amoemoega ma mafatiaga o le olaga. E leai se aogā e manatu ai po o ā mea tatou te faia pe afai o tatou tulaga ua 'ese.

4

I faitauga o le evagelia ua sau Iesu i le tinā a le avā a Simona, 'a'apa atu lona lima ma fa'amalolō iā te ia. E lē aumaia e Keriso ni tali e uiga i puapuagatia pe taumafai fo'i e fa'amatala pe aiseā e puapuagā ai tagata ae ua ia fa'ailoa mai iā i tatou le taūa o le liliu o puapuagā i le olioli. I le fa'ailoaina o ia ma tagata mama'i ma latou ua lata ona maliliu na o'o lava i le maliu o ia lava i luga o le Kulose, na manino lelei ona fa'aalia mai e Iesu o le puapuagā ma mafatiaga o se vaega o fuafuaga fa'amisitelio ale Atua. E fuafua uma pe fa'apefea ona tatou tau'ave o tatou koluse, ona o le tu'ufa'atasia o tatou fa'amasinoga ma fa'amasinoga a Keriso ua mafai ai ona tatou olioli i lana manumalō. O le a lava mea e tutupu iā i tatou, o mea uma o le a alualulelei mo latou e galulue fa'atasi mo latou e alolofa i le Atua ma fa'asoa i puapuagā a Keriso. O le evagelia ua lē fa'amausaliina o tatou sa'olotoga mai puapuagatia ae aumai iā i tatou le fa'amausaliina o le Atua o lo'o fa'atasi ma i tatou e ui le tetele o tatou puapuagatia.

## Aso Sa Ono o le Tausaga – 11 Fepuari 2024

O le fa'ama'i sa va'aia e Iutaia i aso anamua ua sili lona mata'utia o le lepela. O se malaia pisia sa fa'atupuina ai le fefe ma le mafatiaga i tagata ua a'afia ai ona sa leai se fa'amoemoe mo se fofō. O le i'uga a le lepela o le fa'anoanoaga moni. O le taimi lava e amata ai ona va'aia ni fa'ailoga o lea ma'i, o le tagata ua a'afia ua fa'asāina ona toe 'au atu ma a'afia i mea fai a le sosaiete. O lona uiga o le fa'amavae atu i lona aiga, ma lana galuega, mea uma ma tagata uma lava sa ia iloaina ma alofa atu i ai. O se fa'amavaega mulimuli e pei o le maliu. O le mafatiaga fa'alemaufau ma le loto tigā i le vavae'eseina mai le aiga ma fa'auō ma mafutaga o se fa'atauma'oi. I manatu uma lava o le lepela o se tagata fa'ate'aina, ua leai se fa'amoemoe e fiafia ai ma fa'auō po le taliaina o le alofa. O lē ua a'afia ua tu'uina i le tulaga e lē o se tagata, su'e mea'ai i lapisi ma se logo lapata'i tautau i lona ūa. E lē gata i lea, o le fa'ama'i sa va'aia o fa'asalaga mo agasala ma o se fa'ailoga o le fa'ate'a'eseina mai le malosi o le ola fo'ai a le Atua. O le perofeta o Isaia na fa'aogaina le ma'i o le lepela o se fa'ailoga o le mama'i o tagata ale Atua pe a lē fa'atuatua iā te ia.

Ua fa'ailoa mai e le evagelia iā i tatou pe na fa'apefea ia Keriso ona gaii atu i le agaalofa ina ua feiloa'i atu i le lepela. E le'i fefe o ia e 'a'apa ma pa'i atu i lenei tagata ma'i. O se tasi lenei o mai sa tele ai ni feiloa'iga a Iesu ma tagata mama'i, sa va'aia lelei ai lona agalelei. O lo'o ta'u maia le mea loloto

## Aso Sa Ono o le Tausaga – 11 Fepuari 2024

e uiga i lē ua fa'amaloloina ma'i, e pei o se vai mo papatisoga, ua aumai ai iā i tatou se va'aiga alofa ale Atua i ma'i fa'aletino ma le fa'aleagaga. Lepela fa'aleagaga o se moni i augatupulaga uma. O se fa'ama'i o le agaga ua vavae'eseina i tatou mai le Atua ma e sili atu lona afaina ona e tumau lona lē va'aia ma e alu e lē iloaina mo ni taimi umi. O le tala lelei lava mo tatou uma e pei lava ona a'apa atu Iesu ma pa'i atu ma fa'amaloloina le lepela, ua a'apa atu lona lima fa'amaloloina e fa'aleleia manu'aga o a tatou agasala uma.

O se aso e manatu ai iā tatou tatalo mo tagata ua a'afia i le fa'ama'i o le AIDS, o le mala i aso nei ua fa'amata'u ai le soifua maloloina ma olaga o le afe o tagata. O augatupulaga o le AIDS o lepela ia o tatou taimi. O le mea e masani ona fa'agaloina o latou fo'i o tagata. Ae pagā lea, e leai se tui po o se fuala'au e puipuia ai mai lea fa'ama'i. So se tasi ua faia ni fa'aupuga fa'aamio – tonu ma se manatu loloto e pei o le 'AIDs o le totama'i a le Atua' po o le 'ua fetui lelei, ua faia e latou a latou moega, ia tu'u atu e ta'o'oto ai latou,' e le o iai le loto ma le mafaufau o Keriso. Ona o le natura o a tatou fa'aso'oina, ua auina atu i tatou e le Ali'i e fa'amaloloina, fa'aleleia ma alofa atu lē fa'atuā'oia. O le mana a le Atua o lo'o i lona agalelei ua a'apa atu i loto ua lē mafai ona fa'amatalaina. A o tatou lagonaina se tu'itu'i o le iā mamafa i le faia o lepela i le vaitau o Keriso, afai ae tupu mai le mana'omia e mafai ona fa'amoemoe iā i tatou e aumaia lana fa'amalologa ma le alofa i se fa'auō ua fa'amata'u e lenei fa'ama'i mata'utia o le AIDS?

## Aso Sa Muamua o le Vaitau o le Fagafulu – 18 Fepuari 2024

E lē masalomia, o le Fagafulu ua lagonaina ai se fa'alog'aga loloto i o tatou loto a o 'aumaia iā i tatou se lu'itau e te'ea le agasala ma ia fa'atuatua i le Atua o le alofa. Anapogi, tatalo ma le lima foa'i o tu masani ma elemene 'autū ia a le Fagafulu mo Kerisiano. O mea faigaluega ia ua a'oa'oia ai i tatou e fa'aogā, ina ia tatou latalata atu ai i le Atua, a o tatou fa'aauaua la tatou faigamalaga i lenei olaga.. Mo nisi, o le Fagafulu o lona uiga o le lē toe tagofia le 'ava malosi ma le tu'ua o le ulaula, ae o isi ua va'ai i ai o se taimi mo foa'i atu mo latou ua leai ni mea'ai ma le alu atu i le lotu i aso ta'itasi. O le ā lava le ituaiga o togisala ua tatou faia, o a tatou fa'amoemoega uma e taūa. A anapogi ma fa'ate'aina i tatou mai mea'ai ona ina ia teuteu o tatou tino, pe ua tatou foa'i atu ina ia ta'u leleia ai i tatou o ni tagata lima foa'i i le va'aiga a tagata ma va'aia ai o tatou e fai mea lelei i fa'apotopotoga o a tatou taumafaiga ua itiiti o latou fa'amanuiaga. Ua tatou maua o tatou tau ma ua lē latalata ai i le Atua.

I le amataga o lona soifuaga tala'i, na alu atu Iesu i le toafa mo le fāsefulu aso ma ona o lea e tatau iā i tatou ona tausia le vaitau o le Fagafulu. Ua tatou toe fa'aolaina le mea na tupu i se taumafaiga e fa'avae se feso'ota'iga loloto ma se fa'auō mafana i le va o le Atua ma tatou. O faigamalaga ua tatou faia o se aga'i i totonu, aga'i atu i le vao o tatou tagata i totonu, ina ia tu i luma o le Atua i le fa'amaoni ma le moni. E fesoasaoni lenei iā i tatou e va'aia i tatou e pei ona tatou i ai ma a o tatou fai fa'amaumauga o mea o lo'o tatou faia i o tatou taimi ma taleni, o le a tatou iloaina atili o tatou tulaga agasala. O le mana'omia ona suia ma le fa'afouina o le tauiviga aga'i atu i le tevolo i tatalo, anapogi ma faia o togisala ua malamalamaina le tigā. O mea fa'atigā ua tatou faia e tatau ona tatou iloaina o mea fa'aleagaga o le olaga e sili atu le taūa i lo mea fa'aletino. A o tatou malamalama i o tatou fa'aletonu, ua tatou mailoaina e mana'omia ona faia ni suiga.

Afai o tatou o se tasi o na tagata o a latou faiga fa'apitoa o le masani ona o le leaga i tagata uma, atonu o le taimi nei e toe va'ai fa'alelei iā tatou tala fe'vea'i, taufa'aleaga ma le tomumu. O se tautoga fa'atauva'a e taofiofi o tatou faitetele e talitonu o se vaila'au aogā e taofiofi ai le fe'vea'i o tala. E mafai ona tatou faia ni fa'ai'uga ina ia fa'aali atu ai ni uiga lelei i le tagata e masani ona tatou fa'amisa atu i ai. O le a se fa'aletonu o le lē toe tagofia o le 'ava malosi ma ta'aloga tau tupe pe afai e mafua ai le fesi'ita'iga ma le fa'anoanoa i le aiga? O tatalo i aso ta'itasi e taūa iā i tatou uma, ona o se vaega taūa mo tatou uma, ona o se laina taūa o le ola i la tatou fa'auō ma le Atua. O la tatou vala'aulia i se va feagai ai fa'aletagata ma Keriso e lē mafai ona 'ausia e aunoa ma tatalo. E tatau ona tatou avatu le fa'amuumua i lenei faiga ua fa'amalosia ai lo tatou fa'atuatua ma fa'amoemoe ma aumai fa'alatalata ai i tatou iā te ia. O le Fagafulu o se vaitau o le su'esu'e o tatou lava. O se vaitau ua lu'itauina ai i tatou e faia mea ua vala'au mai ai le Atua i vaega 'ese'ese o le olaga ma faia ni la'asaga e feagai atu ai ma le tevolo o le agasala ma le manatu fa'apito i totonu o tatou. O se vala'au mo ni suiga i amioga ona o a tatou agasala so'o ua fa'aleaga ai o tatou tuputupu a'e i le alofa ale Atua. Fagafulu o se vaitau

o kalasia ina ia fa'aogā lelei, pe afai ua tatou fa'amoemoe i ai ina ia avea o se taimi o le poto masani fa'amamāina o lona tau taūa fa'aleagaga. O le lu'itau o le fai atu "Leai" iā i tatou lava ma le "Ioe" i le Atua o mea ia ua fausia ai le tauiviga ma le finafinau.

### Aso Sa Lona Lua o le Fagafulu – 25<sup>th</sup>. Fepuari 2024

I lenei sauniga ua tu'uina mai iā i tatou se va'aiga uiga 'ese i le fa'atuatua ma le tagata o Aperā'amo. O le fa'atonuga ina ia fasiotia Isa'ako, o lona atali'i e to'atasi, na fanau iā te ia i lona tausaga matua, ua i luga atu o ona mafauauga fa'aletagata ma e foliga mai e fa'avalevalea. E fa'apefea la ona fa'ataunu'uina le fa'amanuiaga na folafolaina mai e le Atua e uiga o le avea o ia ma tamā o malō e tele, pe afai e lē ui atu i lona atali'i o Isa'ako? Ua poloa'ia o ia ina ia faitaulaga i le vaega mulimuli o lo'o totoe mo le fa'aauuina o lona gafa ma le fa'avae 'autū o lona fa'atuatua. O le poloa'iga o se tigā mata'utia tele ae i le anoanoa'i o lona fa'atuatua ma lana talitonuga, na fa'avavevave atu Aperā'amo e fa'ataunu'uina le poloa'iga mamana. E tatau ona usita'ia le Atua i taimi uma po o le a lava. A o ia si'i a'e i luga le naifi e fa'aumatia ai lona atali'i, na taofi atu e le Atua. Na fa'asoina le ola a Isa'ako.

O le fa'atuatua a Aperā'amo ma lona usita'i o se fa'ata'ita'i mo i tatou uma. Sa ia usita'ia lava le Atua ma tali atu i lana vala'au, e o'o lava ina ua tofotofoina lona fa'atuatua i taimi uma. E pei o Aperā'amo ua vala'auina i tatou ina ia malaga atu i mea e leai so tatou iloa i ai ma tali atu i le vala'au a le Atua, aemaise lava tulaga ua le mautonu ai po o sa'o le fa'atuatua ma e i tua atu o tatou mafauauga fa'aletagata. I taimi o fa'aletonu, e pei ole maliu a se tasi e alofagia ua fa'apaologia ai e se misitelio, e taūa tele le tu'u atu o tatou fa'atuatua i le Atua ma talitonuina lana upu. Tatou te savavali i le fa'atuatua ae lē o le va'ai (2 Korinito 5: 7). A mae'a uma ona faia ma fa'amatala ua tatou talitonu, e lē fa'apea ona ua tatou va'aia, ae ona o le upu ma le mana a le Atua o lo'o afio ai i o tatou olaga.

6

O le tala a le evagelia e uiga i le liuaina o se vaega maoa'e i le soifuaga ale Ali'i. O aposetolo na maofa ina ua avatu i ai se va'aiga o Keriso i lona mamalu ma ina ua fa'ailoa atu iā i latou o ai lo latou ali'i: 'O lo'u Atali'i pele lenei, fa'alogi iā te ia.' O mea fa'amanuiaina o le lagolagoina o i latou i le pogisā o Ketesamani, pe a latou molimauina puapuagā o Keriso. O taimi o le olioli, pe a taunu'u lelei mea uma, e itiiti ma e vāvā mamao. E le'i fuafuaina o tatou o ni tagata maimoa i le liuaina ae e pei o aposetolo, ua tatou a'ea le mauga, tomanatu i lana fe'au, ma ola ai ma le talitonuga ma le fa'amaoni. O le ala i ona puapuagatia ma le maliu na sau ai Keriso i lona mamalu o le toetū. Afai o le a ia liuaina o tatou tino malaia ma faia ina ia avea ma ni kopi o lona tino mamalu, o le auala e tatau ona tatou uia o le auala o puapuagā na uia e Keriso. O le Liuaina ua ta'u maia iā i tatou e lē gata o tatou taimi o fa'amasinoga ma puapuagatia ae fa'apea o le mamalu o lo'o teuina mo tatou, pe afai tatou te fa'atuatua ma fa'alagolago ae 'aua ne'i mou 'ese atu le fa'amoemoe po o le fa'alavelave i le ala a le Atua. O le Fagafulu ua aumaia iā i tatou se avanoa lelei e feagai atu ai ma i tatou lava fa'apea le anoanoa'i o fa'amalamaluga pepelo ua tatou fa'apelepele i ai ma leai se fa'anaunauta'iga e fa'afalemalu iā tatou malagasā. Ua fa'amanatu mai iā i tatou o se olaga e le'i su'esu'eina e lē aogā ona olaina. Afai o se vaitau lenei o fa'amanuiaga tele, e fesoasaoni iā i tatou ina ia tuputupu a'e o ni tagata fa'amaoni, agalelei ma alofagia, e tatau, e ala i faigataulaga ma le tineia o tatou lava, oti i auala a le lalolagi. E itiiti lava nisi o tatou, e pei o Aperā'amo, o le a talosagaina e faitaulaga i se atali'i e to'atasi, ae ua vala'auina i tatou ina ia liliu 'ese atu mai le manatu fa'apito iā i tatou lava ma taofi mai upu ma gaiioga e mafua ai le fa'anoanoa i aiga ma fa'aleaga ai aiga ma olaga a fa'apotopotoga. Ina ia manumalō iā tatou agasala ma vaivaiga, ma tuputupu a'e i le matua o ni tagata ola, e mana'omia le onosa'i ma o se galuega o le olaga atoa ona e leai se mea e aogā e faigofie pe tu'usa'o.

## Mataio 7: 1 – 29. Fa'ai'uga o le lauga i luga o le mauga

O nei fa'aupuga i le va'aiga muamua e foliga mai o lo'o fausia se fuifui 'ese'ese, ua na ona tu'ufa'atasi i le i'uga o le lauga. Ae o le mataupu o lo'o i ai se fa'asologa mamano. O le vaega fa'afa'atonuga ale lauga ua fa'ai'u i le 7: 12 fa'atasi ai i se aotelega e moni i le leo atoa ale amio a le alofa fa'aleuso mai le evagelia: 'ia faia e tagata ia te outou, ia fa'apea lava ona outou faia ia te i latou.' O le fa'ai'uga leni o a'oa'oga ale Tulafono tuai na folafolaina i le amataga o le lauga.

I luma atu na fa'atulaga ai e Mataio se lapata'iga mulimuli aga'i atu i le fa'amasinoina ma se apoapo-a'iga i tatalo, ta'itasi ua tulei mai fa'atasi ma ni fa'atusa. I nei faiga ta'itasi o le suafa o le Atua ua 'alofia ma le fa'aaloalo, ina ia aumai ai le mea moni lava: Aua le fa'amasino atu ona le fa'amasinoina lea o 'oe e le Atua...tu'itu'i ona tatalaina mai lea e le Atua o le faitoto'a ia te 'oe.

Ae o fa'atusa ua tautala mai mo latou lava. Mulimuli mai le fa'ai'uga i le 7: 12 ua sau ai se fa'asologa o fa'ata'oto i ni fa'atusatusaga, e pei o vaega ua sili ona fiafia i ai Mataio: O le faitoto'a va apiapi ma le ala lautele. O le la'au lelei ta'itasi e fua mai i fua lelei, ma le la'au leaga e fua mai fua leaga. O le tagata ua na fai mai Le Ali'i e, Le Ali'i e' ma le tagata ua gaioi. O le tagata ua fausia i luga o le papa ma le tagata ua fausia i luga o le oneone.

O le tele o nei o ni fa'atusa masani ua fa'aogaina e le Feagaiga Tuai. O se va'aiga matagofie le fa'aogaina o le fa'atusa o se fale ua fausia i luga o le papa ua fa'aogaina o le malosia ua olioli ai i latou ua usita'ia le Tulafono; o lona fa'aogaina i'inei ua fa'aalia mai ai o a'oa'oga a Iesu ua aumai o tulafono fou a o leni ua suia ai le tulafono tuai. Atonu o le va'aiga 'ese o le lona tolu, ua va'aia e leai se tutusa i tusitusiga Iutaia; ua toe sau i se va'aiga ua atoatoa itiiti i le 21: 28 – 32, ma ua mafai ona va'aia ai e pei o se ata Iesu na ulua'i fa'aogaina leni fa'ata'oto aga'i atu i le au Farasaio manatu fa'apito sa folafolaina mai e faia le mea moni i le silafaga ale Atua ae e le'i fa'atino nei folafolaga.

1. Na tausisi mai Iesu e tatau ona tatou gaioi, ae le na o le tautala i galuega fai a le evagelia. O le a le mea e tatau ona tatou faia e fa'ailoa atu ai lo tatou alofa i le Atua ma lo tatou alofa mo le tagata? O le a la tatou manatu ia i latou e matitiva i le fa'aleagaga ma le fa'aletino?
2. Pe tatau ona atoatoa o tatou lelei ona faitioina ai lea o isi?

## Mareko 1: 2 – 13. Fa'atomuaga: O tagata autu o le tala fa'atino

(a). Ioane ma lana fe'au. O le Papatiso ua fa'ailoaina mai e ala i upu a Isaia ma Malaki o se faife'au ua faia ni fuafuaga tatau mo le taunu'u mai o le tupu. Ua ia amataina gaioga i le toafa, o se nofoaga o lo'o nonofo ai itu'au tete'e, e pei o le a iloaina e Iesu i se taimi i luma. Ae o le fa'anaunauta'iga mo le Mesia ua fa'aalia i'ina muamua, o se molimau a le fa'apotopotoga Qumran o lo'o fa'atalitali mo lona taunu'u i matafaga o le Sami Mate. E le o folafolaina e Ioane le tala lelei, ae ua na ona vala'au mo le salamō po le suia o loto mai le aofia. E pei o le perofeta o Isaia, o le ituaiga o olaga sa ia fa'ata'ita'ia, ma o le na foafoaina o se faife'au i taimi fa'amesia (Malaki 4: 5; Mareko 9: 11), ua ia iloaina o tagata o le a le taliaina le tala lelei o le fa'aolataga vagana ua i ai so latou manatu ola o le mana'omiaina mo lea e fa'avae i luga o le iloaina o a latou lava agasala.

(b). O le papatisoga ma le fa'aosoosoga o Iesu. O le na tusia le vaega mulimuli o le tusi a Isaia ua fa'aalia se lagona se naunauta'iga o Isaraelu mulimuli ane ina ua ia tatalo: "E! ia e sasae le lagi ma 'ia e afio ifo" (Isaia 64: 1). Sa talitonuina fa'apea o le a i ai se sasa'a mai uiga 'ese o le Agaga ale Atua i le i'uga o le taimi. O le agaga ale Atua o le soifuaga ale Atua ua sasa'a i luga o le tagata, tu'uina atu ia te ia le ola ma le malosia ma le avanoa o le taliaina o le kalasia ale Atua e pei o lana galuega 'faia i le fa'atusa o le Atua' (Kenese 1: 27). Na ala i lona agaga na fa'ato'ilaloina ai e le Atua le gaosa i le amataga ma fa'asoa lona soifuaga ma le tagata i le manava atu i luga o le efuefu o le lalolagi, ina ia avea le tagata ma 'tagata ola' (Kenese 2: 7). I le foafoaga fou i le i'uga o aso o le a i ai se gaioga tutusa a le agaga ale Atua (Ezekielu 36:36). O le agaga lava lea a le Atua sa ola tele fo'i i taimi o le tala'aga umi a Isaraelu i le fesoasani i fa'amasino, tupu ma perofeta ina ia fa'ataunu'uina a latou

## Mareko 1: 2 – 13. Fa'atomuaga: O tagata autū o le tala fa'atino

tofiga mamana fau ma sui o tagata ale Atua. Sa foafoaina le Mesia ia fa'ae'eina fa'apitoa i lenei manatu (Isaia 11: 1 – 10), o se fa'ae'eina e mafai ona fa'amatalaina o se fa'apa'iaina (Isaia 61: 1 – 3). Ua tatou iloaina o Peteru sa fa'ailoa atu i le fale a Konelio na tautala e uiga ia Iesu ua fa'apa'iaina e le Agaga Pa'ia ma le paoa, ma o lenei fa'apa'iaina ua mafai ai e ia ona feiloa'i atu i le fetau'ina ma Satani ma aga'i atu ma faia galuega lelei (Galuega 10: 37), sa fa'atasi pea le Atua ma ia e ala i lenei va feagai ai fa'apitoa, ona o le Atua e lē fai atu i se tasi e faia se galuega e aunoa ma le avatua i ai o le malosi e ausia ai.

Ua fa'ailoa mai e Iesu o ia lava fa'atasi ma tagata agasala i le faia o le sauniga fa'amamāina a Ioane. Na ripoti sa'o mai lava e Mareko ma le leai o se finauga le leai o se aogā i le vaega a le Papatiso, e pei o le fa'amatalaga a Mataio. O Iesu na va'aia le matala mai o le lagi ma na o ia lava na fai mai i ai le leo mai le lagi. Ua va'aia e pei ua vala'uina Iesu ina ia fa'ataunu'uina lana vala'uina o le Alo i le avea ma Alo alofagia i le mulimuli atu i faiga a Isa'ako o lē na sauniuni e faitaulaga i lona olaga in ia fa'amautinoa ai fa'amanuiaga ale Atua mo le tagata (Kenese 22: 2, 12, 16). O Iesu fo'i o le a alu atu i le Mauga o Moria, o le igoa tuai mo Ierusalem, ma lona alofa fa'atumulia ua ofoina atu o ia lava ona o tagata o le a fa'aalia o ai moni o ia, le Alo alofagia a se Tamā alofa. Ona fa'ataunu'uina lea o upu a le tamā a Isa'ako, Apera'amo, o le a fa'ataunu'uina: 'Ua iloa le Ali'i i le mauga' (Kenese 22: 14). I le taimi lava lea o le Agaga na alu ifo i luga o Iesu ua amataina o ia i le ala na ta'ita'ia o ia aga'i atu i le toafa e feiloa'i atu iā Satani, o lona fili tele i le fe'au a Mareko. E lē o ta'ua maia le i'uga o lenei ulua'i feiloa'iga i le va a Iesu ma Satani, ae o le i ai o manu 'aivao fe'ai ua manatua ai le fa'alataina o le natura, se tasi o manumalō a le vaitau fa'amesia e pei ona ta'ua e le perofeta o Isaia (Isaia 11: 1 – 9). Ae o 'au'aunaga a agelu sa fa'atalitali i tigā a Iesu ae le'i amataina ona puapuagā (Luka 22: 43). Mai le amataga o le manumalō a Iesu i le malosi a le tevelo na faia ai le mana'oga atoatoa mai iā te ia.

### Va'aiga muamua: Iesu ma tagata. Mareko 1: 14 – 3: 6.

8

I le mae'a ai o le fa'ailoaina o tagata autū ma le natura o le tala fa'atino, o le gaiogiga muamua ua amata ona tatala mai i va'aiga e tolu: ua fa'ailoa mai e Iesu o ia lava o le fa'aola ma le fa'amalologa o tagata lautele (1: 14 – 3: 6), 'o ia lava' (3: 7 – 6: 6), ma ona so'o (6: 6 – 8: 29). I le i'uga lava o Peteru na avea ma sulii o le au so'o na maitauina Iesu o le Mesia.

I le va'aiga muamua ua tatou mauaina ai le velavesa'iga lelei o le vaega o feiloa'iga lelei o gaiogiga a Iesu ma tagata, fealua'i ma faia le lelei. Ua tu'uina mai e Mareko iā i tatou se numera fa'aesea ma le felanulanua'i o se va'aiga o Iesu o lo'o feagai atu ma tagata ta'ito'atasi, fa'atasi ma ni mataupu pu'upu'u o mea moni. Ua fesoasao leni e aumaia se a'afiaga atoa o le va'aiga lautele ma i le taimi lava lea se fa'amatalaga e lē ma'alili pe lē fa'aletagata. Ae ui i lea, o fete'ena'iga ua amata ona aga'i atu ia Iesu ma e ui i lona atamai e fa'aleleia nei mataupu na alia'e ona o se upu malosi po ni gaiogiga o le filifiliga ale au ta'ita'i lotu ma ta'ita'i fa'alemalo ina ia fa'ao'o le oti iā te ia ua lē ma'alofia. O leni faiga na ta'ita'ia atu ai i le va'aiga lona lua le taimi na liliu atu ai Iesu i le vaega to'aititi o so'o o le 'autū o le to'asefululua. Ioe o le filifilia o latou o le taunu'uga o le filifiliga o le pule e ui i le fa'aaau ile fiafiaga ma le fa'atoiga ale motu o tagata. Ua fa'amatalaina le au so'o o ona 'aiga moni'. I le vaega atoa leni o fa'ata'oto mataupu 4) ma vavega (mataupu 5) o le mata'itū moni ua ave lea i so'o e ui o la e i ai le motu o tagata ma sa a'oa'oina e o'o mai lava ina ua mafai ona malamalama. O le vavae'eseina mulimuli o Iesu ma ona so'o ua sau ma le te'ea o Iesu i Nasareta. O le sini lona tolu ua fa'a'utu atili atu i so'o. ua auina atu i latou i le misiona ina ia maua le iloa masani fa'aletagata le paoa ua tu'uina atu ia i latou e Iesu. Mulimuli mai, ua latou i ai i le toafa fa'atasi ma Iesu ma ua latou va'aia pe fa'apefea ona ia fa'ataunu'uina le mana'oga a tagata i le falaoa e pei o Iova i taimi tuai. Ae ua toetoe lava ina ua valea e pei o tagata laua'itele i le lē maitauina le taūa moni o Iesu ma ana galuega. O le toe aumai so'o o fa'atonuga na i'u ai iā Peteru na fa'ailoa mai e fa'apea "O 'oe lava o le Keriso'...*fa'auaua pea...*



## Polycarp – Epikopo ma le Maletile (d. 156)

O Polycarp, Epikopo a Smyrna (ua ta'ua nei o Izmir i Turkey), so'o a Sagato Ioane le Aposetolo ma le uō a Sagato Ikenasio o Anitioka o se Kerisiano sa fa'aaloalogiaina i taimi o le 'afa muamua a le seneturi lona lua.

O Sagato Ikenasio, a o aga'i atu i Roma ina ia maletileina, na asiasi atu iā Polycarp i Smyrna, mulimuli ai aga'i atu i Troas na tusia atu iā te ia. Ua maituaina e Ekalesia Laiti i Asia le ta'ita'iga a Polycarp i le filifilia o ia o se suli e fa'atalanoaina ma Pope Anicertus le aso o e patipatia ai le Eseta i Roma – o se finauga lelei i le Ekalesia anamua.

Ua na o le tasi se tusi na tusia e Polycarp na fa'asaoina, le tusi na ia tusia i le Ekalesia i Filipi, Ma-setonia.

I le 86 o ona tausaga na ta'ita'i atu o ia i le malae ua tumu i tagata ina ia susunu ola ai. E le'i a'afia o ia i le afi ma na i'u ona fasiotia o ia i se pelu. Na fa'atonuina e le seneturi ina ia susunuina lona tino. O le "Galuega" a le maletileina o Polycarp o ni ulua'i fa'asaoina, atoatoa le tala fa'amaonia o se Kerisiano na maliu fasia. Sa maliu o ia i le tausaga 156.

Manatu: O Polycarp sa maitauina o se ta'ita'i Kerisiano Uma o Asia Itiiti – o se 'olo malosi o le fa'atuatua ma le fa'atuatua iā Iesu Keriso. O lona ia lava malosi na sau mai lona fa'atuatua i le Atua, e ui o mea na tutupu ua fete'ena'i ma lenei fa'atuatua. O le ola ai fa'atasi ma le au fa'apaupau ma se malō e tete'e i talitonuga lotu fou, sa ia ta'ita'i ma fafaga lana lafu. E pei o le Leoleo Mamoe lelei, sa tu'uina atu lona ola mo ana mamoe ma puipui iā i latou mai sauaga i Smyrna. Sa ia fa'amausalīina lana fa'atuatua i le Atua ae le'i maliu: "Tamā...ou te fa'apa'ia iā te 'Oe, ona ua faia a'u ma aogā o le aso ma le itulā..." (Maliu Maletile, Mataupu 14).

Ia tūtūmau, o le mea lea, i lenei faiga ma mulimulita'i fa'ata'ita'iga a le Ali'i, mausalī ma lē suia ai le fa'atuatua, alofa i uso, alofa i le tasi ma le isi, fa'atasi i le fa'atuatua, fesoasaoni le tasi i le isi ma le agafa'avalea ale Ali'i, leai se inosia o se isi tagata.

## Faitauga mo Fepuari – 2024

**Aso 4 Fepuari Aso Sa 5 Taimi Masani** – Faitauga Muamua – Iopu 7: 1 – 4, 6 – 7. Matua: Ua aoina ua ou le mapu i le feliliua'i.

Salamo 147: 1 – 2 (tali), 3 – 4 (tali), 5 – 6 (tali). Tali: E fa'amaloloina e ia e ua loto momomo

Faitauga Lona Lua – 1 Korinito 9: 16 – 19, 22 – 23. Matua: Oi Talofa iā te a'u, pe a ou le folafolaina le tala lelei.

Aleluia, Aleluia...Ia manuia le tupu o lo'o maliu mai i le suafa o le Ali'i; o le manuia i le lagi, o le vi'iga fo'i i mea aupitoaluga...Aleluia.

Evagelia - Mareko 1: 29 – 39. Matua: Ua ia fa'amaloloina tagata e to'atele na mama'i i ma'i 'ese'ese.

**Tofitofiga o le Upu:** Ua pei o se tala fa'atino le natura o le sauniga o le aso Sa ua va'aia i le asō o ona sini autū ma fa'alogo'aga ina ia gaiioi atu i tatou mai se tasi o nofoaga aga'i atu i se isi. Ua tatou va'aia le atuatuvaale ma le pagatia a Iopu mai le faitauga muamua. O ai se ua lē mafai ona fa'ailoaina o ia fa'atasi ma lenei ali'i? Ua ia lagonaina o le olaga o se galuega mamafa, ua pei o se pologa i le lā vevela ua naunau mo sina malologa i se fa'apaologia a se la'au. Ua o'o lava i ona taimi e malolo ai ua fa'afitauli ma lē mafai ona moe a o "alualu pea le po." Atonu i nisi o taimi ua tatou lagonaina e pei o ia: "E lē toe iloa e o'u mata se mea lelei."

Afai tatou te faitaua na o Iopu, o le a tatou aga'i atu i aiga ma se inumaga lelei o le masalosalo, ae o le sauniga ua vave ona sui ai se tulaga maua ma fa'atasi ai ma le peseina o le salamo. Ua i ai le

## Faitauga mo Fepuari – 2024

mafanafana ma le fa'amoemoe sili. O le agalelei o le Atua ua fa'amausaliina ma ua ta'u maia iā i tatou o le Atua ua fa'ato'ato'aina loto mafatia.

Ona tomanatu ai lea o Paulo i fa'amalosi'au Kerisiano i le ta'u atu i tagata Korinito ua ia ofoina atu o ia e faia ma pologa mo Iesu ma le tala'iga o le Evagelia. Ua ia lē va'aia ona faigatā o ni fa'anoanoaga e pei o Iopu, ona o lo'o ia galue mai se fa'amoemoega maualuga ma le loloto. A mafai ona tatou fa'asoa i fa'amalosi'au a Paulo, e mafai ona fesoasoani iā i tatou e fa'amāmā a tatou avega ma si'i a'e ai o tatou agaga.

Ona fa'ailoa mai lea e Mareko Iesu ua fa'aleagaina le tevelo o lo'o lata mai a o sau le po – o le taimi o le aso e masani ona sau ai le mata'u ma le temoni. O le Ali'i o le malamalama ua susulu i le pogisā mo ona tagata. A va'aia le pogisā ua aga'i mai, e mafai ona tatou fa'avavevave atu iā te ia i tatalo ina ia fa'ata'ape ni malosi'aga fa'aleaga mea ma faia le po ina ia malamalama lelei. Ua fa'ailoa mai e Iesu le mea lilo o ana manuia ma lelei a o ia toe alu 'ese mai le pogisā. I le tafa o āta, i le vaveao, ua aga'i atu i le toafa e tatalo. O le puna'oa lenei a lona mana e lē fa'ato'ilaloina.

Le va'aiga o aso a Iopu ua fa'atumulia i le fa'alavelave fa'anoanoa, sa faia e Iesu lona taimi ua sili atu ona tau i ana gaioiga lelei ina ia ausia mo le lelei o isi. Fa'anoanoa, mafatia ma tigā e mafai ona liliu i totonu po fafō atu. E faigofie lava ona latou pulea i tatou, ae fa'atasi ai ma le kalasia ale Atua e mafai ona tatou manumalō mai iā i latou.

E le'i lelei le moe a Iopu a o ia fa'atalitali ma le inoino le tafa o āta o le aso fou tau fa'amata'u. Sa filemū le po a Iesu ma sa fa'aufale mai le tafa o āta o le aso fou fa'atasi ma ni avanoa lelei. O le la ua oso a'e na mauaina o ia i le toafa, "faia tatalo." O a ni faiga ua tatou fa'afetai'i ai aso ma po o le olaga? O le fa'amoemoe a le Ekalesia o le sauniga o lenei aso Sa o le a si'i a'e ai o tatou agaga i le aso nei ma le vaiaso a sau. O aso ta'itasi o le a solosolo lelei pe a mafai e pei o Iesu, fa'ai'u le aso ua fa'amalieina e le moe ma amata le aso fou i le mitiia i tatalo.

10

**Aso 11 Fepuari Aso Sa Ono Taimi Masani** – Faitauga Muamua – Levitiko 13: 1- 2, 45 – 46. Matua: O aso uma e i ai le ila iā te ia, e nofo to'atasi o ia i tua o le toagalauapi.

Salamo 32: 1 – 2 (tali), 5 (tali), 11 (tali). Tali: O oe lava lo'u lafitaga, e te si'osi'omia a'u i siva o le olataga.

Faitauga lona Lua 1 Korinito 10: 31 – 11: 1. Matua: Ia outou fa'aa'oa'o mai iā te a'u, pei o a'u iā Keriso.

Aleluia, Aleluia...Ua liu tino tagata le Upu, sa mau o ia ma i tatou. A o i latou uma o e na talia o ia, na ia avatu i ai o lea lava manuia ia avea i latou ma fanau ale Atua...Aleluia.

Evagelia – Mareko 1: 40 – 45. Matua: Na te'a loa le ma'i lepela iā te ia, ona mamā ai lea o ia.

### ***Tofitofiga o le Upu:***

O fa'apefea mai 'oe? Manuia lava! Ma 'oe? OK. O nei fa'afeiloa'iga masani ua fa'ailoa mai ai le manatu mo le soifua maloloina ma le alualu lelei o isi, ma fa'ailoa atu ai o vaega uma lava o tagata e a'afia i tigā ma fa'ama'i. E o'o lava iā i latou ua anoanoa'i le fiafia e ola ai i le mata'u i fa'alavelave e tutupu mai ma fa'ama'i ma fa'alavelave ua fa'afuase'ia ona fa'aletonu ai tatou. O se mea masani la le fesili atu e uiga i le soifua maloloina lelei o latou ua umi e le'i toe feiloa'i atu i ai.

O le Evagelia o le asō ua fa'ailoa mai ai le popole a Iesu mo se ali'i ma'i sa sau iā te ia – o se lepela. O le ma'i o le lepela e a'afia i ni ma'ila matagā ma ni papala o le tino ma foliga a lē ua a'afia ai, fa'apea e osofa'ia ai maso ma ūaūa o le tino. O le fa'ama'i pipisi e lē gata e fa'ate'aina 'ese mai ai lē ua a'afia i le soifua maloloina lelei ae fa'apea lona tamali'i'aga, ona o se tasi ua maua ai e fa'ate'a 'ese mai le sosaiete. A latalata mai i ai nisi e mafai ona vala'au atu "lepela! Lepela!" Ina ia fa'ama-mao 'ese atu tagata mai le pisia ai. O tagata i nei aso ua ma'i i le kanesa po ma'i fatu e mafai ona faia ni togafitiga ma fa'aauau le mamalu ma fa'auō mamae ma aiga e mafai ona feiloa'i pea – ae o le lepela (i aso anamua) e puapugatia na o ia.

O faitauga e lua o le asō mai le Levitiko ma Mareko ua talanoa mai i lenei fa'ama'i. O le atugaluga muamua a le Ekalesia, e ui i lea, e lē mai le va'aiga le itū tau o le fa'ama'i ae mai le fa'atuatua. O mea

## Faitauga mo Fepuari – 2024

ua faia e le lepela i foliga ua faia e le agasala i le agaga – e faia se tasi ma auleaga ma te'ea. Ona o le toto o Keriso, e ui i lea, ua fa'amamaina ai i tatou mai lenā 'auleaga. O le tala la e lē uiga i se lepela sa fa'amaloloina i se taimi ua tuana'i. Ae e uiga iā 'oe ma a'u – i'inei ma le taimi nei – ua fa'amaloloina mai le agasala ma le oti e fa'avavau e lo tatou Fa'aola agalofa.

O se mitamitaga le va'ava'ai atu iā Iesu le Alofa i tagata ua fa'ate'aina 'ese ua alu atu i lenei ali'i ma'i, fa'ate'a'eseina mai le sosaiete, ma i lona mana alofa toe auina atu o ia i lona aiga - fa'amaloloina lelei. O le agasala e pei o le lepela, e matuiā vaganā ua togafitia. Tatou te fa'ailoaina ma le fiafia o Iesu o le Foma'i mamana o lo'o fa'atalitali mai pea i le taimi e vala'auina atu ai po le ao, po o le pō.

O se tala lenei o se liliua, se liliu atu i totonu i lo le liliu 'ese atu. So se tagata lava e i ai lona lalelei i totonu ma e taūa, ma e ui e fevaevae'i i tatou mai le tasi i le isi ma foliga e matagā e mafai ona toe aumaia i tatou fa'atasi e ala i lana fa'amalologa.

Pe ua tatou faia fa'alepela nisi o tagata i le musu e fa'atasi atu ma i latou? Atonu o se tasi o le aiga, tuā'oi, le fa'auō i aso ua tuana'i, pe o mafai fo'i o se matua, tamaitiiti po se pa'aga. O lenei ua uiga 'ese o la tatou malosi'aga e fa'amaloloina le lepela, e pei ona faia e Iesu. O le fesili e lē fa'apea pe mafai ona tatou faia, ae pe tatou te filifili e faia. E leai se isi e mafai ona fa'amaloloina le lepela i le Evagelia vaganā Iesu, ma sa ia manatu e faia fa'apea. Ua na o tatou e mafaia ona fa'amaloloina o tatou lepela na tatou faia.

Tatou amata i le feso'ota'i atu ma i latou; mai i'ina o le fa'amaloloina o le a tafe mālie ma fa'anatura atu. Atonu tatou te lē talisapaia atoatoa o tatou mafai ona fa'amaloloina, ae e mafai ona tatou mauaina atoatoa. Aiseā la e le fa'amaloloina ai se lepela i le asō?

**Aso 18 Fepuari Vaiaso Muamua o le Fagafuluu** – Faitauga muamua – Kenese 9: 8 – 15. Matua: Ou te manatua la'u feagaiga ua osia ma outou... e le toe aveā le vai ma lolo e fa'aumatia ai mea ola uma.

11

Salamo 25: 4 – 5 (tali), 6 – 7 (tali), 8 – 9 (tali). Tali: Le Ali'i e, o ou ala uma, o le alofa ia ma le fa'amaoni i e ua tausi i lau feagaiga.

Faitauga lona lua – 1 Peteru 3: 18 – 22. Matua: O le vai o le lolo o le fa'atusa lea o le papatisoga o lo'o fa'aola mai ai nei iā te outou.

Fuaiupu mo le Evagelia: E le na o mea e 'ai e ola ai le tagata, a o afioga uma e tulei mai i le fofoga o le Atua.

Evagelia – Mareko 1: 12 – 15. Matua: Sa fa'aosoosoina o ia, sa 'au'auna fo'i agelu iā te ia.

### ***Tofitofiga o le Upu:***

O le asō ua tatou malaga atu ai i le toafa, ona o le aso Sa muamua lenei o le Fagafulu. O le taimi o le fa'amatalaina fa'aletausaga o le fasefulu aso o le fa'aosoosoina na feagai ma Iesu. O le fa'amatalaga a Mataio sa faitauina i le tausaga ua tuana'i; o Mareko i le tausaga nei a o Luka o le tausaga a sau.

O le tala o le fa'aosoosoga sa fa'amatalaina e Mataio ma Luka ua i ai ni fa'amatalaga olaola a Iesu ma le tevelo o lo'o osooso mai le tumutumu o le mauga aga'i atu i le malumalu, o lo'o faia se finauga. E le'i tusia e Mareko nei faiga ma finauga. Sa ia fa'amatalaina ma le mālū le ulufale atu o Iesu i le toafa (fesoasoani i ai agelu) e faia le taua ma le tevelo ma fa'ai'u ai i lona ulufale ma le manumālō.

O le fa'amaoni a Mareko ua fa'amanatu mai se tasi o tusitala a se pepa sa faia se ripoti e uiga i se ta'avale afi na alu 'ese mai le auala. Faitioina i le tele o taimi e lana ta'ita'i ona o le 'u'umi o tusitusiga. E fa'apea fo'i Mareko e masani lava ona faia ni fa'amatalaga e tele i nai upu itiiti, ona alu vave atu ai lea i se isi mataupu. E lē o se mea lilo le mafua'aga o lana Evagelia ua sili le pu'upu'u mai isi Evagelia.

O le tala fa'atino o le fasefulu aso o le i ai i le toafa o lo'o ufiufi o se misitelio ae ua aumaia iā i tatou o le fatu o le tala. Sa i ai se taimi i le soifuaga a lo tatou Ali'i, ae le'i amataina lana tala'iga, ina ua ia faia se fa'anoanoa na o ia i le vaomatua. O i'ina sa su'esu'e ai o ia e le malosi a le tevelo (manu 'ai

## Faitauga mo Fepuari – 2024

vao ma le tevelo) ma maua ai le fa'amafanafanaga ma le loto tele i fafo atu o ia lava (o agelu sa tala'i atu ia te ia). Sa sau mai lona fasefulu aso o se tapenaga o se tagata ta'alo, sauni mo le su'esu'ega na mulimuli mai o le malosi ma le atamai aga'i atu i ona fili.

O tagata o le a fa'atigā i ona taliga i tu'ua'iga fa'alumaluma, tu'ufeanu i ona foliga, tu'itu'i o ia i le koluse – ae na fesoasaoni i ai aso o le toafa, o le a tumau lava lona malosi silisili. O se tagata ua manatu e lē tau ma sui atu pe a o i ai le malosi e fa'aleaga ai lona fili, ua sili atu le malosi o lē tasi lena e tatau ona “toe tau” atu manu'aga uma. O fili a Iesu sa lē talisapaia le fa'atauva'a o le tagata sa latou osofa'ia; se manū e sosola vave i le fefe.

O le poto masani mai le toafa na avatu ai iā Iesu le taimi e toe manatua ai le taimi ua tuana'i ma le mafaufau i le lumana'i. O tatou fo'i e mafai ona lelei i le mafaufau i luma i le aso Sa o le Eseta. I le Toetu, sa fa'ataunu'uina ai e Iesu lana valo'aga e manumalō. O le mea na tupu na ausia mo tatou, ma ua tatou fa'asoa i le manumalō, mo Iesu na tauavea le tigā mai le oti.

O se tau pe a tatou feagai atu ma taua ma le fili ma manu 'aivao i o tatou olaga, ma manu a'e ai o ni tagata ua sili atu le malolosi. Aua le fefe, ona o agelu o le a tau'avea i tatou i lugā ma le Ali'i o le a latalata mai.

**Aso 25 Aso Sa lua o le Fagafulu** – Faitauga Muamua – Kenese 22; 1 – 2, 9 – 13, 15 – 18. Matua: O le taulaga a Apera'amo.

Salamo 116: 10, 15 (tali), 16 – 17 (tali), 18 – 19 (tali). Tali: Ou te savali i luma ole Ali'i i nu'u o tagata ola.

Faitauga lona lua – Roma 8: 31 – 34. Matua: O le Atua sa na lē fa'asoina lona lava Alo.

12

Fuaiupu mo le Evagelia: O le si'ufofoga o le Tamā mai le ao ua fa'apea mai, o lo'u Atali'i pele lena, ia outou fa'alogo iā te ia.

Evagelia – Mareko 9: 2 – 10. Matua: O lo'u Atali'i pele lenā, inā fa'alogo ia outou iā te ia.

### ***Tofitofiga o le Upu:***

O le tala i le Liua o Fofoga o Iesu ua fa'amatalaina i tausaga ta'itasi i le aso Sa lua o le Fagafulu. O le tausaga lenei o le tala a Mareko, ua tai tutusa ma fa'amatalaga a Mataio ma Luka. O le fa'amatalaga a le Evagelia e i ai lona amataga e masalosalomia – *ua mavae aso e ono...*” O le a le mea na tupu i aso e ono na muamua atu ua taūa tele? Se'i o tatou toe fo'i atu i tua i le mataupu na te'a atu mo le tali.

E lua ni mea na tutupu na muamua atu i le Liua: na fa'aailoa e Peteru Iesu o le Mesia, ma na avatu e Iesu le valo'aga muamua o ona puapuagā ma le maliu. O le liuaina o se si'itiaga fa'alemafaufau mo le au so'o, ono aso mulimuli mai le valo'aga a lo latou Ali'i i lona maliu ua lata mai. O Elia le perofeta ma Mose o lē na avatua le tulafono na va'aia, ona toe mou mālīe atu ai lea, ua tu'ua na o Iesu – le perofeta ma lē ua momoli atua le tulafono a le Feagaiga Fou. O le leo mai le lagi ua fa'amausaliina iā te ia le fa'amau fa'aailoga o le maliega.

Na fa'alogoina e Mose le leo o le Atua ma va'aia lona afio ai i le afi mumū i totonu o le la'au talatala. Ua fa'alogoina e aposetolo e to'atolu le leo o le Atua ma va'aia le matagofie, le susulu mai o le olaga o Iesu ma talitonu ai i le afio ai o le Atua iā te ia. O le a i ai ni nai aso i luma o le a tofotofa ai o latou onosa'i ma le fa'atuatua ma manatuaina o le Ali'i ua susulu – fa'akalasia o le a lagolagoina i latou.

Na fa'atupu e Iesu le leai o se talanoaga e uiga i le va'aiga o le liuaina ina ia taofiaofia ai le manatu sesē o lana fa'aso'oina o lona uiga o se malaga mamalu tele lava. O Mareko na fa'amamafaina fa'apitoa le faigatā ma le mafatia e tatau i le Kerisiano moni ona tau'ave, ma fa'aitiitia le mamalu ma le tau e maua mai i le fa'aso'oina. E ui i le to'atele ua talitonuina, ua tatou iloaina o le Ali'i e le'i folafolaina mai iā i tatou se togāla'au rosa: o le mea sa ia folafolaina mai o se koluse – fitu aso i le vaiaso – ma le mamalu e fa'avavau i le olaga e mulimuli mai. O tigā o le olaga ua tatau ae e lē fa'atosiga, ma o le natura lava tatou te 'alo'ese mai ai ma fautua atu i isi e fa'apea ona fai, e pei o Peteru na taumafai e fa'afefe le Ali'i mai le maliu i luga o le koluse.

## Faitauga mo Fepuari – 2024

Ua tatou iloaina i le tulafono, fa'asoifua maloloina, pisinisi, ma isi lava gaioiga ua tataua ua tatou mafauina – o le alu lelei ua fuafuaina mo ni tausaga i ni tausaga e tele i galuega tu'utō faigatā. I ta'alogā ua lauiloa lelei lava a le'i si'ia i luga e se tasi se fa'aaloga o le manumalō, e tataua lava ona tele ni aso o le faigatā ma le tapenaga fa'ataluā. O le a molimau nisi o le manumalō i se ta'alogā e na o le taumafaina o mea'ai tataua.

Na fa'atauina e le Ali'i o tatou mamalu o le lumana'i i le tau tele o le tigā ma le mafatia fa'aletagata. Ona e leai se so'o ua sili atu i lona Ali'i, e tataua iā i tatou ona fa'asoa le tau pe afai ua tatou fa'amoe-moe e fai mo tatou tofi le mamalu. O le amio lelei a le Evagelia e fa'atauva'a lava: “A leai se koluse! Leai se mamalu!”

## Poto! Ae o fea tatou te maua i ai o ia? O le Tusi o Faataoto

Se tasi o tusi ua sili atu le lē amana'iaina a le Tusi Pa'ia, Fa'ataoto, su'esu'e ana a'oa'oga i le 'faiga o le ave ma atamai'.

Poto! Tatou te mana'omiaina le poto i le ala ma o le poto o se manatu fa'alelotu fo'i e pei o se manatu fa'alaua'itele. O fea tatou te maua i ai o ia? O lo'o i ai fa'atasi vaega masani i tu masani Iutaia – Kerisiano le tusi ale Poto, se tasi o ulua'i tusi na lauiloaina o se Tusitusiga o le Poto. O Faataoto sa lauiloa tele ma masani ona fa'aogaina e Tamā o le Ekalesia. O Sagato Ierome, i se tusi i se tinā sa naunau ina ia fa'amasani lana tama teine ma le Tusi Pa'ia ae e le'i iloaina po ofea e amata ai, sa fautua atu e faitau Salamo ma le Tusi o le Faataoto, ae le'i aga'i atu i Evagelia. A o alualu pea seneturi, ua foliga mai ua lē a'afia le tusi i le maitau ale au fai telosia ma le au fa'amatala ole tusitusiga pa'ia. Sa fa'amatala e se tasi i sana su'esu'ega ma tusitusiga e uiga i le Poto a Isaraelu Anamua, lolomiina i le 1976 fa'amatala ai o se 'tamaitiiti e leai ni matua i le fale a le tusitusiga pa'ia'. I sana tusitusiga fa'aonapo nei, o le ali'i o William McKane i lana fa'amatalaga i le tusi lava lea na fa'apea mai, 'Faataoto' o se manatu o le tau ma sui e pei ona fa'aalia i fa'aupuga mai le YHWH (Iova) o se manatu o le tau ma sui ua fa'asalaina i le gaogao, ona ua vaevae'eseina mai o ia lava mai le moni o le olaga ma tu'ua fa'afitauli'. I se fa'atusatusaga i le Fa'ataoto, Iopu ma le Tusi o Failauga sa va'aia e sili atu o la lu'itau ma le fa'amalieina fa'aatamai. Sa fa'aauauina pea ona misia pea le gauia'i atu o tagata uma ae ua na o Katoliko fa'alogolelei, ua va'aia na o le tolu o taimi i ta'amilosaga e tolu o le tausaga i faitauga o le tolu tausaga i aso Sa.

E lē o se tusi e pito sili lona faigofie ona faitauina. E lē pei o se tusi faitau ua i ai lona 'auga e mafai ona mulimulita'i e se tasi, atonu e maua e se tasi le manatu mai le ulua'i feiloa'iga o le fa'ataoto ma fa'aupuga ua fausia ai se vaega tele, e ui e lē o tusi uma, ua fa'atulaga fa'afuase'ia ma e aunoa ma ni fausaga ua lautele. O le faitau atu i ai ma le fa'aloloto ma alu atu ai ma le saosaoa o le a maua ai se fa'amalieina e itiiti. Ua latou mana'omiaina lē ua faitauina e ave ta'itasi ia mataupu ma tomanatu i ai ma tauivi fa'atasi ai ma latou.

O le tusi o Fa'ataoto e mafai ona fa'atusatusa i se fa'asologa vasega silisili e fa'afoeina e ni tagata atamamai, tagata atamamai a Isaraelu, i le fa'atufugaga o le ave ma atamamai. O mataupu muamua e iva ua fa'aaloaina mai ai a latou polokalame o le a'oa'oina. O nei mataupu o fa'augaga 'autū ia o le tusi atoa; ua gaioi i se auala e pei o a'oa'oga a sē ua a'oa'o atu i se vasega tele, le faiga o le mataupu ma ona fuafuaga ma taunu'uga.

Ona sau ai lea le ulua'i vasega ua aumai e le Atamai o le Poto, Solomona (Poto 10: 1 – 22: 16) I le

## Poto! Ae o fea tatou te maua i ai o ia?

### O le Tusi o Faataoto

tala fa'atusi pa'ia, o le nofoa'iga a Solomona o le maualuga lea o le tala'aga a le malō, na fa'avacina e le Tupu o Tavita, i le maliu a Solomona na vaevaeina i le malō o Isaraelu ma Iutaia. Sa fa'alauteleina e Solomona le tuā'oi a le malō itiiti sa tofia i ai o ia ma fa'avacina se malō itiiti o lona tofi ma fa'avae se malō o ni tama'i nu'u ua tu'u fa'atasi. Mo nisi o ona tagata sa fa'aogaina lenei avanoa lelei, o se taimi o le manuia lautele ma le tamāoaiga. O lona alualu lelei o se tupu sa fa'apea o lona atamai, ua fa'aupua lelei i le 1 Tupu 5: 9 – 12: 'Ua foa'iina mai fo'i e le Ali'i le poto iā Solomona, e pei ona ia fetalai mai iā te ia, se malamalama mao'a'e, ma le poto tele e pei o le oneone i le matafaga... Sa sili atu lona atamai i lo se isi ma lona lauiloa na salalau atu i tagata o nu'u tuā'oi. Sa ia tautala i ni alagaupu e tolu afe'.

O sao a Solomona ua a'afia ai le tele o tu'ufaatasia o alagaupu i le tusi. E mafai ona fa'amatalaina o ni 'Atamai Fa'avae'. E masani ona a'afia ai ni fa'aupuga pupu'u ma e pei o ni solo – fa'ata'ita'iga – 'O lē ua faigofie, e talia e ia upu uma; a o lē ua mafaufau, ua fa'autauta o ia i lona ala' (Faataoto 14: 15). Ona o se aoina, o fa'ataoto ua gaii e pei o ni fa'aupuga ua tusia e se faia'oga i le laupapa mo tamaiti a'oga. Ua fausia ai le fa'avae o le polokalame e mafai ona a'oa'oina e tamaiti a'oga, fa'atalanoa ma le faia'oga ma tomanatu ai pe a na o latou.

O Fa'ataoto a Solomona ua soso'o mai ai se vaega pu'upu'u ua iloaina o le Upu a le au Popoto (Faataoto 22: 17 – 24: 22) – o se faia'oga e 'ese, ma o se suiga a se faiga 'ese'ese. Ua uma atu fa'aupuga e lē tatau, ua suia e vaega e ta'i fa'aina o apoapoa'iga, ua ta'u maia se faiga tu'u sa'o o a'oa'oga ua fa'amalieina ai e le vaega lona lua fa'aupuga a le vaega muamua: 'Aua ne'i fefa'auoa'i ma le tagata itagofie; 'aua fo'i lua te o ma le tagata lotoā; ina ne'i e fa'aa'oa'o i ona ala; ona maua ai lea o lou tagata i le mailei' (Faataoto 22: 24 – 25).

14

E leai se tusitala fa'apitioa ua fa'asino i ai lenei vaega, ae o le au atamamai ua mauaina se fa'atosinagaga mai *A'oa'oga a Amenemope*, o se tusitusiga Aikupito sa mauaina i le 1920 ma o lo'o i le fale mata'aga i Peretania. I nisi o nofoaga, ua va'aia le tutusa ma tusitusiga Aikupito, mo se fa'ata'ita'iga, Amenemope ua fautuaina mai fo'i: 'Aua ne'i fa'atasi ma se tagata e naunau, pe aga'i atu fo'i o ia mo se talanoaga. Aua ne'i oso atu e pipi'i i se tagata naunau; ina ne'i le mafai e le mata'u ona ave'eseina 'oe'. O le au atamamai o lo'o fevaevae'i po o le a le lautele o le fa'atosinaga o le tusitusiga mai le Faataoto, ae ua fautuaina o le sailia o le atamai o se taumafaiga fa'avaomalo ua sopo'ia ai tuā'oi fa'aatunu'u.

I le mataupu 25 – 29, ua toe fo'i mai Solomona, fa'aoga uiga tumau a le mataupu 10 – 22. Fatusa i vaega muamua, o lo'o i ai ni taumafaiga e tu'u fa'atasia ni fa'aupuga i sini tutusa. Mo se fa'ata'ita'iga, i le Fa'ataoto 26: 3 – 12 o le 'autū o le va'ai o lo'o i le fa'avalevaea, i le 13 – 16 o le paiē. Faataoto 26: 4 – 5 o lo'o maua i ai se fete'ena'iga mata'ina – e tatau i le ali'i poto ona 'alofia se feiloa'iga ma le fa'avalevaea po o le a lava pe tatau ona ia ulufale atu i se ituaiga o talanoaga ma ia? Pe o i ai se tiute iā ia e feiloa'i atu i ai, e ui o le a tu'ua ai o ia i se lamatiaga. O le isi va'aiga i nei mataupu o se fa'amamafa tuputupu a'e i le tupu ua ta'ita'ia ai i le manatu o tua atu o nei mea uma o lo'o ta'oto ai se tusi lesona mo tupu po pule o le lumana'i.

O vasega sili mulimuli e lua ua tu'uina mai e ni tagata atamamai e to'alua mai nu'u'ese, Akuru (Faataoto 30: 1 – 14) ma Lemueli (Faataoto 31: 1 – 9). E leai ni fa'amatalaga e uiga ia Akuru vaganā le fa'amatalaga o ia e sau mai Massa e masalomia e i Arapi i matū po o Suria i saute. E ui e sau mai fafo atu o Isaraelu, o Akuru sa fa'aalia le fa'anaunauga mo le atamai ia Isaraelu. Sa galue punoua'i i le a'oa'oina o le poto, ae sa ia maitauina fo'i le muta'aga o lona malamalama – 'O a'u nei lava, e sili ona valea o a'u i tagata uma; e lē iā te a'u le atamai o tagata (Faataoto 30: 2), ae ua ia fa'atinoa le atamai o lo'o aumai e vaega muamua a le tusi ma fa'ailoa mai ai le ituaiga o vituti e mana'omia mai se tasi ua ulufia le faitoto'a o le paoa, o le loto maualalo, matagofie, ma le tatala atu o ia i fa'atonuga. Na te lē tu'ua le vasega ma ni alagaupu ma ni fa'aupuga masani ae o ni fa'amatalaga fa'atelosia ma tatalo talosagaina ai mo mea moni ma se paleni i le va o le mau'oa ma le mativa, ma mulimuli lava o se moliaga o latou ua agasala i le pepelo ma le fa'amauualuga, ma latou ua fa'aogaina ma fāoa mea uma a latou e matitiva. O se manatu mo le amiotonu lautele o le masani a tagata atamai. A o tusitusiga a Aguru sa fa'aoga nisi o gagana fa'alotoifale, o faiga a Lemueli ua toe aumaia a'oa'oga a lona tinā i

## Poto! Ae o fea tatou te maua i ai o ia?

### O le Tusi o Faataoto

lana tama o lē o le a avea ma tupu, fa'atasi ma ni sini masani a le Faataoto, le va feagai ai ma fafine ma le lamatiaga mo latou o le a avea ma ta'ita'i. O lana vasega pu'upu'u ua soso'o mai ai le mataupu mulimuli a le tusi, o le sa'iliga mo se avā uiga lelei (Faataoto 31).

Ua tatau nei ona tatou toe fo'i i le fesili na tatou faia muamua – o ai le aofia o lo'o fa'asino i ai nei 'vasega sili' ma o le a la latou sini ma ni taunu'uga? O fuafuaga ma taunu'uga o le ala o lo'o fa'amatala i se fuaiupu umi ma le lavelave ua fausia ai le fa'atomuaga i le tusi (Faataoto 1: 1 – 6). O le taunu'uga va'aia ua fa'ailoa e ni vaega e lē i'u – ina ia iloa, ina ia malamalama (o le veape Iutaia e mafai fo'i ona fa'auiga 'iloa' po le 'iloatino').

O le upu Eperu e masani ona fa'aliliuina o le 'poto' (*hokmah*) e lautele lona fa'auigaga, E mafai ona fa'auiga 'atamai' pe atamai i le faia o taua po o galuega fa'aofisa. E mafai fo'i ona fa'auigaina 'poto' po le 'fa'autauta.'

Ae o ai o lo'o a'oa'oina? Fuaiupu 4 ua fa'ailoa mai ai ni vaega o tagata e lua o lo'o a'afia, 'le fa'atauva'a' ma le 'talavou'. O le tulaga muamua o le au talavou ua lata ona matutua, latou ia e tatau ona a'oa'oina le fa'atufugaga ma a'oa'oina pe fa'apefea ona pulea o latou fa'anaunauga. E tele fo'i o le a fa'atalanoaina e uiga i le pulea o fa'anaunauga e uiga i mana'oga fa'aletino i a'oa'oga ale 'vasega sili'. Atonu e le'i matutua, ae ua i ai le mafai e a'oa'oina ai ma o se vaega ta'ua o la latou a'oa'oga o le atamai e mafai ai ona fuafua le mea e tatau ma le mea e fa'avalevatea i gaoiga i se mataupu. Ae ui i lea, o le to'atele o lenei kulupu o le a a'afia ai i latou ua vala'auina 'le au fa'atauva'a'. Atonu latou e mana'omiaina le poto, ae atonu latou te lē taliaina le atamai. Ua latou mana'omiaina fo'i le atamai ua fa'aliliuina o le 'poto'. O le upu Iutaia ua fa'aogaina e mafai ona fa'aliliuina o le fa'aeteete, faifai malie, fa'aoga le fa'autautaga po o le atamai. O le fa'aogaina o gagana e fete'ena'i o se uiga tumau ia a le tusi. Ae o le sini autū a le tusi o ali'i talavou ia, ae le o fa'ata-  
tau fa'apitoa ia. O latou ua i ai le atamai e mafai ona lelei mai ai – e tatau ia i latou ona fa'alogo ma fa'aopoopo i mea ua latou faia (Fa'ataoto 1: 5), fa'auau ona fa'alogo ma fa'alelei latou manatu ma fa'alogo. O le fa'atusa o lo'o aumai nei o se foeli e tapasaina se va'a, i se isi fa'aupuga o le atamai e ta'ita'iina ai se tagata i le olaga nei. Lagonaina, po o le fa'alogo o ni vaega ta'ua ia o le olaga atamai a le au popoto. O lē e lē fa'alogo atonu e atamai i o latou lava mata ae ua aga'i atu i le mala.

O le mataupu fa'avae o le a'oa'oina ua fa'aalia i le 1: 7 – o le mata'u i le Ali'i, le amataga o le poto. O lo'o i ai se maliliega lauaitale i le au atamamai o le *mata'u i le Ali'i* e itiiti lona uiga i le fefe. O le fa'aupuga e mafai ona tele ni ona uiga, ae o lona fa'avae lava o lo'o fa'asino i le tali a le tagata pe a iloina le afio ai o le Atua. O le mea lea, o tusitusiga ale poto e lē fa'alelalolagi, masoā pe manatu fa'apito. E fa'aletagata ma foafoaga. I se isi fa'aupuga, ua tatou atamamai pe a tatou va'aia i tatou o ni tagata na foafoaina e le Atua. I le tusi a Fa'ataoto, o le mata'u i le Ali'i o se vaega o a'oa'oga ua tata'iina atu i le atamai. E le o se faitalia, ae o se vaega tatau mo le alualu i luma o le atamai.

O le Fa'atomuaga ua talatala mai e le Faataoto 1: 8 aga'i atu i le 9: 18, o se fa'atomuaga i le tusi atoa. O lenei vaega ua fa'atulagaina i ni ituaiga e lua o nisi o taimi ua fa'amatalaina o Lauga po o ni *Fa'atonuga* (fa'ata'ita'iga: Faataoto 1: 8 – 19; 2: 1 – 22) fa'auigaina fa'atasi ma le *Fa'alavelave* ua tautala i le poto i fa'amatalaga. O le tolu o nei Atamamai ua fa'atagataina o se fafine (1: 20- 33; 8: 1 – 36; 9: 1 – 18).

O fa'atonuga ua mulimulita'i i se faiga tutusa, e le aunoa ua amata i se fa'ailoaina, 'Lo'u atali'i' po 'o'u atali'i'. ua ta'u mai ai a'oa'oga o le poto e amata i le aiga. Ae ui i lea, o a'oa'oga ua lē fa'asino na o tupulaga talavou, o le a salalau atu i ta'ita'i gafatia ma lona i'uga mo tagata uma lava, aemaise le au faitau. Fa'afegaia i le va'aiga muamua, e lē na o se taumafaiga na o ali'i; tamā ma tinā e a'oa'o fa'atasi – 'Fa'alogo mai ia i le a'oa'o atu a lou tamā, 'aua fo'i e te tu'ulafoa'ina le upu a lou tinā (Fa'ataoto 1: 8). O le ta'ua o le tinā o le a fa'amamafaina maia le mataupu mulimuli a le tusi le taimi o le fafine, ae le o le tamaloa, ua vi'ia o le toa, ma o lana tane ua va'aia lona mamalu. O le na tusia le tusi ua fa'amatalaina lenei fafine i se gagana vivi'i ma le lototoa. I lona aiga, o ia o se fa'ata'ita'iga o le galuega, fa'apotopotoga (21) ma le mafaufau lelei ma le fuafua (Faataoto 31: 14, 24). O le fa'atusa



## Poto! Ae o fea tatou te maua i ai o ia? O le Tusi o Faataoto

o se va'a la'u oloa ma lona fefa'ataua'iga o oloa ua ta'u maia o ia o lo'o faia se pisinisi tele. O ia fo'i o se fa'aailoga o le poto ma ua avea ma fa'atusa o se fafine ua fa'atagataina le poto i fa'alavelave.

O fa'atonuga ua tauavea le faiga e lē o le tu'uina atu o ni fa'atonuga ae o apoapoaiga ma fa'aosofiaga. O se gagana o le apili, una'iga ma le fa'amalosi'au. E masani o fa'atonuga e amata i le upu 'afai'. Afai e fa'aoleole iā te oe tagata agasala, aua nei e usita'i i ai (1: 10). Afai e te talia a'u upu, ma e teu i lou loto a'u poloa'iga, uai atu ai ou taliga i le poto, e fa'asaga atu ai lou loto i le fa'autauta (2:1). O le fa'avae lea ua mafai ai e le tamā e talosaga atu i lona atali'i e fuafua ana gaioiga ma tulaga o gaioiga o le fa'amalumalu mai ai, ae ua ia tu'uina le atali'i i se filifliga, pe fa'alogo pe leai. O upu e fa'ua tu'uina maia le faiga ua mana'omia i le malaga aga'i atu i le poto – fa'alogo, a'oa'o ma le manatuaina ma aveina le malamalama'aga. O le malamalama'aga i'inei o se mataupu a le loto, e mafai ona fa'aalia lelei o se totonugalemū a se tasi. O le malaga e le na o fa'atonuga a le tamā pe mana'omia se atamai. O le a a'afia ai le galue malosi, e sa'iliili i le ario; ma oloa lilo (2: 4).

I nei fa'atonuga, o vaega moni o a'oa'oga ua taunu'u i se ala mamao i le talanoaga, ina ua alu se taimi i le fa'aosofiaga. I fa'atonuga muamua, o a'oa'oga ua amata i le Faataoto 1" 10- afai e fa'aolaola tagata agasala, 'aua ne'i ususita'i i ai, aemaise i latou ua fuafua e gaioi le tagata mamā ina ia mau'oa ai i latou. I le va'aiga mulimuli, o le sa'ilia o le poto o se vaega a le loto. Ua vala'uina mo le matafaioi fa'aletagata. Poto e tatau ona mana'omiaina, ae o lenā fo'i e lē lava, ona o le poto o se mealofa mai le Atua, o le ali'i talavou e tatau ona vala'au atu i le atamai, ma e leo tele atu i le fa'autauta (2: 3) Atonu tatou te malamalama i lenei uiga e tatau iā ia ona totogi mo le poto mai le loloto o lona loto le mea na mua'i mai ai. I le i'uga o le aso, o le tamā e mafai ona a'oa'oina ma fa'aosofiaina, ae o le atali'i e tatau fo'i ona fa'atinoana fuafuaga. Ina ia maua le atamai o le fua ia o taumafaiga o le amio lelei ma le kalasia ale Atua.

16



Mikaele Teofilo:



021 0818 5037

